

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ  
ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ  
ՊԱՅՄԱՆԱԳԻՐ N 1/22

Քաղ. Երևան

23.02.2022 թ.

Հայաստանի Հանրապետության Պաշտպանության նախարարությունը (այսուհետ՝ նախարարություն) ի դեմս Սուրեն Պապիկյանի, որը գործում է նախարարության կանոնադրության հիման վրա, մի կողմից և մյուս կողմից «Ռազմատեխնիկական գիտահետազոտական ինստիտուտ» ՊՈԱԿ-ն ի դեմս տնօրեն Մարտին Կարապետյանի, որը գործում է կազմակերպության կանոնադրության հիման վրա, հիմք ընդունելով Հայաստանի Հանրապետության Կառավարության 2018թ. մայիսի 11-ի N559-Ա որոշումը՝ կնքեցին սույն պայմանագիրը հետևյալի մասին:

### 1. Պայմանագրի առարկան

1.1. Սույն պայմանագրով նախարարությունը կազմակերպությանը հատկացնում է ՀՀ 2022 թվականի պետական բյուջեի N1169 «ՀՀ պաշտպանության ապահովում» ծրագրի 11006 «Գիտահետազոտական և փորձակրոնստրուկտորական աշխատանքների գիտատեխնիկական (ռազմատեխնիկական ուղեկցում)» միջոցառման համար նախատեսված 71,207.4 հազ. դրամը, համաձայն 23.12.2021թ. N 2121-Ն, ՀՀ 2022թ.-ի բյուջեի մասին օրենքի N9 հավելվածի, սահմանված եռամսյակային համամասնությամբ՝ տնտեսագիտական դասակարգման «Ընթացիկ դրամաշնորհներ պետական և համայնքների ոչ առևտրային կազմակերպություններին» հոդվածով, իսկ կազմակերպությունը պարտավորվում է իրականացնել ծրագրով նախատեսված աշխատանքները՝ սույն պայմանագրի անբաժանելի մաս հանդիսացող հավելվածով տրված միջոցառումներին և կատարման փուլերի ժամկետներին համապատասխան:

### 2. Կողմերի իրավունքները և պարտականությունները

2.1. Նախարարությունն իրավունք ունի.

2.1.1. ցանկացած ժամանակ ստուգելու կազմակերպության կողմից իրականացվող միջոցառումների ընթացքը և որակը, ներառյալ՝ ՀՀ ԶՈՒ գլխավոր շտաբի միջոցով իրականացնելով ծրագրի առանձին միջոցառումների կատարման ընթացքի մշտադիտարկում՝ առանց միջամտելու կազմակերպության գործունեությանը,

2.1.2. սահմանված պայմաններին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների ան-

հատույց վերացման ողջամիտ ժամկետ և կազմակերպությունից պահանջելու վճարել սույն պայմանագրի 5.1. կետով նախատեսված տուգանքը,

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում սահմանված պահանջներին,

2.1.4. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները,

2.2. Նախարարությունը պարտավոր է.

2.2.1 ծրագրով նախատեսված դեպքերում աջակցել կազմակերպությանը,

2.2.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.2.3. իրականացնել ծրագրով նախատեսված այլ աշխատանքներ,

2.2.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են սույն պայմանագրի 8.4 կետով սահմանված ստորաբաժնման կողմից: Ընդ որում, պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է կազմակերպությանը,

2.3. Կազմակերպությունն իրավունք ունի.

2.3.1. Կառավարության կողմից պետական բյուջեով հաստատված ֆինանսական միջոցը չհատկացնելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.3.2. իրականացված միջոցառման արդյունքը Նախարարության կողմից ընդունվելու դեպքում պահանջելու վճարել իրեն հասանելի գումարը,

2.4. Կազմակերպությունը պարտավոր է.

2.4.1. N 20 ստանդարտի դրույթներին համապատասխան իրականացնել ծրագրի շրջանակներում նախարարության կողմից տրամադրված դրամաշնորհի հաշվառում

2.4.2. պայմանագրով նախատեսված ֆինանսական միջոցներն օգտագործել ծախսերի հաստատված նախահաշվին համապատասխան,

2.4.3. կատարել նախարարության կողմից բացահայտված թերությունների վերացման նպատակով տրված ցուցումները,

2.4.4. սույն պայմանագրով սահմանված կարգով ՀՀ պաշտպանության նախարարին ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն՝ համաձայնեցված ՀՀ ՁՈՒ գլխավոր շտաբի պետի հետ,

2.4.5. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու նախարարության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. նախարարության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ նախարարության կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.7. ծրագրի կատարման համար անհրաժեշտ ապրանքների, աշխատանքների և ծառայությունների ձեռքբերում իրականացնել «Գնումների մասին» Հայաստանի Հանրապետության օրենքին համապատասխան:

### **3. Վճարման կարգը և ժամկետները**

3.1. Կազմակերպությանը ֆինանսական հատկացումները կատարվում են 2022 թվականի ՀՀ պետական բյուջեի 1169 «ՀՀ պաշտպանության ապահովում» ծրագրի 11006 «Գիտահետազոտական և փորձակոնստրուկտորական աշխատանքների գիտատեխնիկական (ռազմատեխնիկական) ուղեկցում» միջոցառման համար, տնտեսագիտական դասակարգման «Ընթացիկ դրամաշնորհներ պետական և համայնքների ոչ առևտրային կազմակերպություններին» հոդվածով նախատեսված միջոցների հաշվին՝ համաձայն 23.12.2021թ. ՀՀ 2022թ.-ի բյուջեի մասին օրենքի N9 հավելվածի, սահմանված եռամսյակային համամասնություններին համապատասխան ներկայացված ֆինանսավորման հայտերի հիման վրա:

#### **4. Մոնիթորինգը**

4.1. Նախարարությունը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով կարող է իրականացնել մոնիթորինգ:

4.2. Մոնիթորինգն իրականացվում է Նախարարության և (կամ) նրա կողմից լիազորված անձի կողմից:

4.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

4.4. Նախարարությունը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

4.5. Մոնիթորինգի իրականացման ընթացքում կազմակերպությունից կարող են պահանջվել գրավոր և բանավոր պարզաբանումներ և բացատրություններ:

#### **5. Կողմերի պատասխանատվությունը**

5.1. Սույն պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է Նախարարությանը փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով:

Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

Նախարարությունը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

#### **6. Պայմանագրի գործողության ժամկետը**

6.1. Պայմանագիրն ուժի մեջ է մտնում կողմերի ստորագրման պահից և գործում է մինչև բյուջետային տարվա ավարտը, իսկ չօգտագործված միջոցները ենթակա են վերադարձման պետական բյուջե՝ ոչ ուշ, քան մինչև 2022թ. դեկտեմբերի 23-ը:

#### **7. Անհաղթահարելի ուժի ազդեցությունը (ՖՈՐՍ-ՄԱԺՈՐ)**

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կան-

խարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին: Ընդ որում, եթե անհաղթահարելի ուժը ծագել է կազմակերպության մոտ և վերջինիս նախաձեռնությամբ պայմանագիրը լուծվում է, ապա կազմակերպությունը նախարարությանը վերադարձնում է անհաղթահարելի ուժի ծագման օրվա դրությամբ պայմանագրի համաձայն կազմակերպությանը փոխանցված գումարը՝ չկատարված պարտավորության մասով:

### 8. Եզրափակիչ դրույթներ

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

8.2. Պայմանագիրը կնքվում է պայմանագրի կողմերի թվին համապատասխան քանակի օրինակներով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

8.4. Սույն պայմանագրով նախատեսված նախարարության իրավունքներն ու պարտականություններն իրականացնում է ՀՀ ԶՈՒ գլխավոր շտաբի պետը, իսկ կատարված միջոցառումներն ընդունում է ԶՈՒ ԳՇ օպերատիվ գլխավոր վարչության պետ-ԳՇ պետի տեղակալը:

### 9. Կողմերի հասցեները, բանկային վավերապայմանները և ստորագրությունները

ՀՀ պաշտպանության նախարար

Ս. ՊԱՊԻԿՅԱՆ

« 23 » 02 2022թ.

Երևան, Բագրևանդ 5

ՌՏ ԳՀԻ՝ ՊՈԱԿ-ի

տնօրեն Ս. ԿԱՐԱՊԵՏՅԱՆ

« 15 » 02 2022թ.

գանձապետարան՝ հհ 900018007469

Երևան, Բագրևանդ 5